

Ա.Ռ.Ա.Կ.Բ Ս.ԶԳ.Ա.ՑԻՆՔ Ի ԳՐՈՑ ՆԱԽՆԵԱՅ

Բևեռով զրենու թափել . այսինքն խստիւ զխիստ վանել :

Ի հուր գզել և 'ի ջուր աղալ . Թակարդաւ ջուր բերել . Աղիւս լուանալ . Չխեցի կարկատել . Ի ծակ կարաս արկանել .	} այսինքն զուր ջանալ . 'ի նանիր աշխատիլ . Ընդ վայր կորուսանել զվաստակ :
---	---

Ի քարէ կաթն կթել . Ի վիմէ ասր ստանալ .	} այսինքն զանհնարինս խնդրել :
---	----------------------------------

Զգաղիւ գիրկս արկանել . այսինքն 'ի դժուարին ինչ ձեռնարկել :

Սարդիստայն ձգել ծածկոյթ զերեսօք . այսինքն պատրուակել զյայտնի ինչ .
պատճառանօք ծածկել զգործս չարեաց :

Սլաքօք զքիրտն ջնջել . Ի տէզս նիզակաց զքրառունս երեսաց ջնջել .	} այսինքն 'ի մարտս պատերազմաց մաշել զկեանս :
--	--

Որպէս թակարդ զհողմն՝ անցուցանել զխրատ . այսինքն 'ի դերե հանել զխրատ :
Յականէ աղբերն պղտորեալ է ջուր նորա . այսինքն որպէս տաճիկ առակն ասէ՝
(Պալըք պաշտան քաքար) :

Թողուլ ինչ յաջ բազուկ և յաջ ակն ուրուք . այսինքն 'ի զգուշաւոր խնամն ուրուք
յանձնել ինչ :

Կապել զոք 'ի ճկոյթ . Ի մատանակ արկանել զոք .	} այսինքն յաղթել ումեք . պարտել կամ 'ի բուռն արկանել զոք . (մատին վրայ խաղցընել) :
---	--

Թակն կոշկոճիւ զզլիսոյ կապել . այսինքն ունել զոք իւր զլսահար :

Շարժել զամենայն քար . այսինքն զամենայն հնարս հնարել :

Զհետ լինել խորշակի . այսինքն խնդրել զվսաս անձին :

Ամենայն հաւ յերամն իւր իջանէ . այսինքն նմանն զնմանն սիրէ . նման առ նմանսն
գնայ :

Խստութեամբ բանն 'ի հուն չելանէ , քաղցրութեամբ օձն 'ի ծակէն ելանէ : Յայտնի
են իմաստըն :

Խողի հարսնացելոյ՝ կոյաջուր բաղանիք . այսինքն այնպիսումն այնպիսի ինչ
վայելէ :
